

賢相謀猷方濟治

德經注云行權者貴返於實用有者必資於無若能兩忘權實雙泯有無即輔相濟治之理也

至人修習正道遙

修身之人點去聰明韜光修習潛樂道遠固不知輔相匡濟之道

治身治國陰功足自有途程終闕朝

若治身全氣治國成功必繼赤松王喬同朝絳闕

上士聞道章第四十一

上中下士皆聞道取捨萌心即不同刻志勤行分了悟迷心大笑是愚蒙

德經云上士聞道動而行之中士聞道若存若亡下士聞道大笑之不笑不足以爲道也

道也

進如舉步臨深谷

德經云進道若退也

明似浮雲映遠空

德經注云明於道者蒙昧其跡以養於正

乃聖功也

修德若偷功行足姓名潛紀玉皇宮

德經注云德行內修外若偷竊不欲人知立功而不衛也

道生一章第四十二

教人柔弱貴身全

德經注云人君所欲教人者當以柔弱謙

虛之義教之也

須信強梁失自然

德經云強梁者不得其死也

損志持謙高德嶽

德經注云王侯能以孤寡爲名卑以自牧

豈非損之而益乎

益情多欲亂心田

德經注云愚者貪冒以求進財復苟得豈

非益之而損乎

月懸秋色澄千里江沸濤聲動百川越相芳

塵輕世事清風明月五湖船

范蠡辭榮遁越遂性五湖可謂道符先覺也

天下之至柔章第四十三

至柔馳騁至堅時

德經注云天下至柔者正性也若馳騁世務染雜塵境情欲充塞則爲天下至堅是時至柔馳騁至堅之間即顯彰至堅不及

至柔之性

塵境難述獨守夷

德經注云無有者不滌塵境令心中一無

所有獨守希夷清靜妙體混成一無間阻

不爲所欲所亂也

須信不言非杜口

德經注云所謂不言非關杜口在理既即

有即無在教亦即言即默亦如言滿天下

無口過之教也

始明有益自无爲

德經注云吾是知无之有益

霜前喚鶴聞天韻雪際貞松出俗姿

德經注云吾身心清靜則能合道

身靜心清忘嗜欲玉京存想是前期

若能宗道必見玉京之岐路也

名與身孰親章第四十四

最痛多藏必厚亡

德經云多藏必厚亡

若能知止即賢良

德經注云知止不殆

貪名觸患身如表潤屋豐財事可傷

德經注云徇貨者將以求財財得身亡身

貨孰多故令擲玉毀珠以全其和也嗟乎

苟貪財身喪縱積玉于家又何貴乎

風過未央摧茂草

未央宮蕭何所修千門萬戶為天下壯麗

今則鞠為茂草基址空存觀此廢興足誠

貪欲

水流金谷帶斜陽

金谷園昔之貴盛備載簡書今則野水穿

流條為廢塢斜陽一照能不悲乎

全真法道心無欲應笑隋侯寶夜光

德經注云名者實之賓而代人徇名以亡

身欲令去功而全其真也

大成若缺章第四十五

躁靜不聞懷抱者須弘存物出塵心

德經云躁勝寒靜勝熱又注云唯有清靜

無為之人心安志定方能躁勝不寒靜勝

不熱派其躁靜乃為天下正

直思汲黯無人繼

德經注云大直若屈汲黯漢之真素亮直

之臣發論匡正無避忌諱孰能繼之

辯想蘇秦有患侵

德經云大辯若訥蘇秦六國遊說之士與

智巧尚浮偽後至齊國遇刺客而殞徒愛

佩六國印且不懼一朝禍於辯任智可不

畏乎

白玉潔身如玷缺

德經注云學行大成常如玷缺也

清江同志味深沉

德經注云沖虛其懷乃持滿之道滿而不

溢則長守富貴用不窮矣

唐虞退讓英風速信史編芳好重尋

德經注云人君政化大成而更謙虛退讓

若有虧缺日新其德用之不弊矣

天下有道章第四十六

梁冀無才恃禁閣不能知足贊成規

德經云禍莫大於不知足今以梁冀為諭

且無才恃寵可謂不知足矣

方當矣漢顯危日獨威朱門跋扈時

後漢桓帝之時國祚凌夷人方澆薄梁冀

處貴極之位而不能匡君以忠律已以儉

乃更一門驕貴成跋扈之巨禍過災生成

滅身之禍悲夫

孫壽正迷矜綺繡

孫壽梁冀之妻迷蕩正性耽感美容

張綱徒耻問狐狸

漢發八使以探天下風俗張綱埋輪不發

云豺狼當路安問狐狸遂奏梁冀之罪

禍盈覆餗穢三族事汚青編萬古悲

桓帝以梁冀奢僭罪深遂令單超等圍其

宅誅之

不出尸章第四十七

不勞窺牖見天道

德經云不窺牖見天道也

內鑒身明象外心

德經注云聖人不出戶知天下者以己身知人以己家知人家

秦漢戰爭矜妙畧唐虞清靜朗宸襟

德經注云人君清靜天氣自正多欲則煩

濁

九疇書出波瀾闢萬歲聲高洞壑深

人君若能法道清靜必至河出九疇山呼

萬歲

六國澆醜徒歎血漫為盟誓互相侵

嗟乎六國之王不尚清靜之化但弘機智之風徒成歎血之盟互有相侵之志也

為學日益章第四十八

負笈尋師貴藝成詞鋒將淬敵青萍格高自

稟江山秀才膽何闊筆硯靈莫見愛吟矜白

雪豈知就學聚飛螢若能日損無情欲方悟

有為勞我形

德經云為學日益為道日損又注云為學

者日益見聞為道者日損功行益見聞為

修學之漸損功行為悟道之門故因益積

功功忘而體道可不休哉

聖人無常心章第四十九

聖人出震無常心

德經云聖人無常心以百姓心為心也

應物推恩煦姬深

德經注云聖人之心物感而應應在於感

故無常心

存撫嬰孩分帝德

德經注云聖人念彼蒼生猶如慈母故凡

視百姓皆如嬰孩

指明善信願君臨

德經注云欲善信者吾因善信之不善信

者吾亦善信教之令百姓感吾德而善信

喜聞樂石還宗道惡見筌竿恐嗜音

德經注云聖人廣大包荒納汚法道象天

自行善信皆感德潛化暗合無為之功人

君若納諫去惑自成善信

萬國悅隨歸洞鑿靜如明月朗宸襟

德經注云百姓皆注耳目又注云緬被百

姓化聖德為善故傾耳目觀聖人也

出生入死章第五十

達識迷根共一途

德經注云了悟則出生執迷則入死也

若論清濁理還殊積功累德沖青漢濁俗貪

名歎白鬚能想蓬瀛分了悟不嫌情欲認凡

愚縱山畧住雲頭處應笑紅塵敵九衢

王子晉得道緱山乘彼白雲舉袂謝時人

而去

道生之章第五十一

萬類皆因道始生

德經注云道始生者一也一生陰與陽陰

陽生萬類是知眾類非道不生也

聖人弘德法圓清

德經注云天之於萬物也生則不有為則

不恃長則不宰任其自然是謂天之德也

亦同人君治世矣

無為闡化窳區靜

德經注云道德本無為豈有情於尊貴但

萬物自當尊貴之是明自然之壽命

不宰推功日月明

德經云長而不宰

雨露恩深蘇草木絲綸言出福黎吐

德經注云道之於萬物非但生畜之而已

乃復長育成熟養之覆之全其性命人君

若能法此治國治身當符道尊德貴之位

亦同天然爵命而自歸之

且緣彼物皇風遠四海傾心自太平

德經注云道德之尊非假爵命但生成之

功被物而常自然貴爾

天下有始章第五十二

容用修行控六根

德經注云不縱六根自無禍患

竟無危殆保終身

德經注云若開張六根矜其視聽以濟其

愛悅之事則常有禍患故終身不救若控

其六根則終身必無危殆之事

能嫌口爽熊蹯美須怯心迷鳳髻新

德經注云口在人身為患最大是非生焉

滋味攻焉又云眼耳鼻之門若不為嗜欲

所牽則終身無勤勞之患熊蹯味之珍者

所宜戒之

鍊氣永應塵不染

德經注云常守沖和妙氣不令離散則修

治其身長無危殆之事

守柔長與道相親

德經云守柔曰強

問他溫樹無言對

漢孔光處之崇貴有人問溫室前樹終無

言答之蓋慎密不洩禁中事

方見韜光吉善人

德經注云慎言節食鍊氣韜光

使我介然章第五十三

須信无為道甚夷莫由邪徑失宏規

德經云道甚夷而人好徑注云夷平也徑

邪道也言非无為之道不平而自入有為

之邪徑夫小徑險而難大道安而易也

閑思峻宇雕牆事爭似早宮非食時

德經注云崇其宮殿飾其廊宇則百工並

作田畝焉得不荒田既蕪倉庫焉得不虛

也

文德若修推木輕武功還偃卧征旗

德經注云文德不修尚武備即全失無為

之化

如能治國常居大似日高明照海涯

德經注云聖人之道其明如日不在天則

無以照六合聖人不居大則無以濟天下

善建者不拔章第五十四

鴻基不拔同天在

德經注云善以道德立身立國不可引而

拔之

匪輒蒸嘗社稷延

德經云子孫祭祀不輟蓋社稷延洪不絕

君信臣忠豐至德

德經注云修道於國則君信臣忠仁義自

生

重尊矜勿顯通賢

德經注云修道於鄉尊重長老愛養幼少

教誨愚鄙其德最長為不可及也

水還滄海垂衣日琴引薰風煦物年

德經注云修道之國觀不修道之國故可

以唐虞之德鑒桀紂之罪必能致理康時也

法道无為臨大寶碧空長有壽星懸

若能法道清靜以臨大寶必有壽星之瑞

含德之厚章第五十五

含德全真同赤子

德經注云至人含懷道德之厚者其行比

於赤子也

始教三毒漬薄和

德經云毒蟲不螫猛獸不據攫鳥不搏注

云含德厚厚之人萬慮不干於心神可以

比赤子者薄和全於外至德懷於內以毒

蟲喻嗔猛獸喻癡攫鳥喻貪絕此三毒故

不為其所傷

張良絕粒遺軒寬許邁修身隱薛蘿

漢張良絕粒從赤松子遊晉許邁修道周

遊山水之勝境不遠萬里

了悟真常宗道少繁會爵祿益生多

德經注云人能知和氣柔弱有益於人則

為深知道德真常之用又云衆人以爭競

爵祿榮達日增不知守常而求道益生過分動之死地

莫矜物壯強梁志衰老相隨事若何

德經注云物壯極則衰老故戒之矜壯恃

強之人是謂不合於道也

知者不言章第五十六

知者不言緣了悟碧鷄強辯豈能知

德經注云道無形象蓋非言說所及唯證

悟者知之

親跡匪得垂雲鶴

德經注云玄同無私故不可得而親又注

云泛然和衆故不可得而踈

利害難侵曳尾龜

德經云不可得而利不可得而害也

箕岫堅辭神器處桐江還應客星時

德經注云體道自然故不可得而貴許由

隱於箕山堯讓天下於由堅辭不受嚴陵

與漢光武有舊素不樂客星之貴却運釣

諸之時豈不可得而貴

銷除愛深清襟素

德經注云既无愛深則嗜欲之門閉矣道德尊高出世姿

德經注云既不可得親踈又不可得利害

不可得貴不可得賤是為天下貴道德自

更尊高也

以政理國章第五十七

垂衣治國固无事

德經云以無事取天下

哲后忘情化自清

德經注云聖人之道嗜欲不干於心則奢

溢綺靡之物安所用之以此化人自朴淳

矣

去盜不因刑網密

德經云法令滋章盜賊多有也

安時須是賦輿輕

德經云天下多忌諱而民彌貧注云謂禁

令多端山澤所資有無皆禁止之悉加繁

稅而焉得不至彌貧也

淳如堯酒皇風遠

德經注云政教无為寬大則民應之淳朴

也

靜似吳江素月明

德經云我好靜而民自正

何必使民成缺缺萬機寬大慰蒼生

德經云其政察察其民缺缺又注云若政

寬大則人淳然朴素也

其政悶悶章第五十八

禍福同途分倚伏

德經云禍兮福之所倚福兮禍之所伏也

聖人明德內含光

德經云光而不耀又注云聖人雖有獨見

之明常自晦昧不以耀亂於人

山棲一旅翻強盛臺築九層俄敗亡

越王為吳王所敗勢窮以餘兵棲於會稽

山用范蠡計釋越而還吳王既勝越築九

層之臺悅西施之貌沉伍員之屍會趙鞅

之盟仁德不修尋為越報仇一旦敗亡俄

成丘墟也

謫去長沙甘退跡

漢賈誼文帝叙用為絳灌所不容出為長

沙王傳

詔歸宣室出殊鄉

後文帝微誼於長沙對於宣室

因尋鶴賦深微理天地為鑪不可量

賈誼初謫長沙之時以失志之際湘中地

多卑濕方有疑懼而有鶴集舍鶴乃南中

怪鳥人皆深忌誼以勢窮道塞遂製鶴賦

定以生死之分達於窮通之理賦中有天

地為鑪之句蓋欲明委心於天莫測倚伏

之理後果出殊邦却還丹闕也

治人事天章第五十九

治世莫如宗壽愛

德經云治人事天莫若壽注云壽愛也人

君將欲治人事天莫若愛費使倉廩實人

知禮節三時不害則天降之嘉祥

德弘卑服保皇居

德經注云聖主賢臣常以卑服悉從壽愛

之道也

惜狐裘處身无玷

德經注云晏子狐裘三十年此明賢臣壽

愛之道

罷露臺時儉有餘

漢文帝儉德聞罷露臺帝曰可比十家之

產尋今罷之

損已教思人景附

德經注云聖人損已有餘以奉人之不足

也

窮奢黷武國空虛

漢武帝恃四海一家兵力強富遂窮軍勢

於雲中繼訪神仙於海上幣藏空虛生民

疲瘵也

深根固蒂長生理

德經注云壽愛克己之行以成治人事天

之德帝王流而行之非惟深根固蒂以有

其國亦乃長生久視乘彼白雲至于帝鄉

黃帝其人也

不假文成自獻書

漢武之時有李少翁自上書言有神仙之

術遂拜文成將軍後以詐書於牛腹詐令

剖出驗其偽跡因乃誅之矣

治大國章第六十

道蒞寰區絕妄求鬼神無害服皇猷

德經注云以道蒞天下不求无妄之福故

鬼无以見其神明

秦矜虎視虜三輔禹鑿龍門護九州

德經注云周書曰至治馨香感于神明黍稷非馨明德惟馨所謂聖人至治之德莫

急於拯救生靈明德之馨香感動神明天

地非惟富壽不極抑亦景祚无疆秦虎視

關東不修文德終為劉項所滅禹鑿龍門

導百川歸海活九州生民可謂契極救之

旨

月助鳴琴調水夜兩籠圓沼湛高秋

德經注云此章立意當以至治靜正為宗

今以琴諭守正秋諭澄靜取事證理

化成兩不相傷後自有卿雲瑞氣浮

德經云非其神不傷民聖人亦不傷民也

大國者下流章第六十一

東溟善下百川歸

德經注云大海卑下百川自歸大國謙下

萬邦自附

柔靜心持出世機

德經注云人君守於柔靜則天下交歡而

歸之

大國謙卑昌帝道諸侯傾囑向皇閭

德經云大國執謙德而下小國者不過兼

畜小國為臣妾小國取大國為勢援也

晉文報楚終成霸鄭忽辭齊自失機

晉文公未入國嘗遊於楚楚禮之楚王問

文公他日將何報不報文公曰若遇楚師

請避三舍後歸國遇楚師不失其信終為

盟主鄭太子忽有功於齊齊欲妻之忽辭

以小國不倖大國拒而不受後為蔡仲所

逐無諸侯之援蓋失機也

无急无荒弘至德納隍心不忘宵衣

德經注云大國者常戒滿盈

道者萬物之與章第六十二

能依玄域窮深奧須認襟虛已出塵

德經云道者萬物之與也

弘有道心分達士佐無為主是賢臣

德經注云若非至道大善之人豈能重寶

深奧救人之志也又經云故立天子置三

公共教不善之人也

要均救物甘言教曲誘迷根不善人

德經注云聖人以甘美法味之言導高滑

靜之行以化不善之人

罪累未銷潛體悟玉京丹鶴自相親

德經注云道在於悟不在於求既悟則自

无罪累必契冲虛也

為无為章第六十三

至人因事自塵機

德經注云眾人因事以生事道者因事以

息事

道味无貪靜所忌

德經注云道之味非俗間滋味且道之味

尚不可貪何況俗間之味

但固謙心敦信諾

德經云輕諾必寡信也

未嘗閑恨記瑕疵

德經云大小劣少報怨以德也

要蘇高棠調風處水格三苗舞羽時

德經注云聖人製作有為而使無為有虞

雖調薰風舞干羽因有為成無為之化也

負宸凝旒弘大化穆王柯必會瑤池

虞舜凝旒自臻至道何必周穆王會於瑤

池車輪馬跡將周四海徒有虛妄之求且

非清靜也

其安易持章第六十四

安靜修身易守持

德經注云治身治國安靜者易守持

始分情欲要朋隲

德經注云情欲禍患未有形兆之時則易

謀止也

木成于露萌芽處臺築參雲覆黃時

德經云合抱之木生於毫末又云九層之

臺起於累土

趙主不能輕國實童生須至重文辭

德經云不貴難得之貨又注云眾人乃學

俗學所謂攻乎異端聖人法道无為故學

於不學豈非備復眾人異端之所過患歟

趙王今簡相如送璧於秦求其連城之價

是貴於難得之貨昧於道旨安可使董仲

舒不下帷讀書以求世利斷可知矣

慎終如始還無敗愛惜精神忌有為

德經云慎終如始則無敗事又注云有為

於欲廢於精神

古之善為道章第六十五

善誘時人盡守愚總銷情欲似枯株

德經注云古之善為道者非以明民將以

愚之

不環智水隨三惑唯蕩真風靜四隅

德經注云上人賢君善以无為之道化人

常任質朴愚古之士不使功智點慧之徒

惑人真性又經云民之難治以多智

負辰有心宗大道凝旒無事關丕圖軒皇治

國能如此功就乘雲出鼎湖

德經云不以智治國國之福軒皇宗道無

事濟治四隅後於鼎湖乘彼白雲至于帝

鄉

江海為百谷王章第六十六

江海尊為百谷王下流無逆水茫茫征帆下

展摧風勢采日初昇蕪曉光槎犯星辰仙浪

關路通吳越碧波揚人君能法謙卑德為國

樂推興運長

德經云江海所以能為百谷王者以其善

下之故能為百谷王是以聖人欲上人以

其言下之欲先人以其身後之是以處上

而不重處前而人不害是以天下樂推

無狀以其不爭故天下莫能與之爭

天下皆謂章第六十七

非智非愚如不肖

德經云天下皆謂我道大似不肖注云不

似於智不似愚與物不同故言不肖也

常持三寶蕩真風

德經云我有三寶保而持之一曰慈二曰

儉三曰不敢為天下先也

儉成濟物無多費慈救群生有大功

已在上述中

仁德既均中土洽道情還與上玄同

德經注云夫慈仁者百姓親附又注云人

君能行此三寶則天地神祇固合為助護也

強秦捨此平區宇纔築典基一旦空

德經云今捨其慈且勇捨其儉且廣捨其後且先死矣秦始皇捨三寶任智力社稷

不延永悲夫

善為士者章第六十八

弘道何嘗恃武威

德經注云貴其道德不尚武力但用虛柔化物不以剛武伏人也

非因忿怒展征旗

德經云善戰者不怒

羽千演化終無戰帷帷用賢方出師

德經云善勝敵者不爭善用人者為之下

虞舜舞千羽於兩階三苗自格周武尊太

公於帷幄全師始行

項籍不虞奔去夜

項籍兵敗垓下聞楚聲四合知楚兵悉為漢有遂別美人於帳中夜遁而去當恃強肆志之時豈知奔敗之夜乎悲夫

符堅寧慮却來時

符堅以百萬之眾伐東晉拒王猛之諫忘

水影之災及淝水之敗却來之時聞風聲

鶴唳以為晉軍至矣寧不慎歟

須知軍旅難輕舉四善還能靜九夷

德經云善為士者不武善為戰者不怒善

勝敵者不爭善用人者為之下

用兵有言章第六十九

為客持謙常守退

德經云吾不敢為主而為客不敢進寸而

退尺也

攘能無臂慎兵符

德經注云攘臂所以表怒善戰不怒故無

臂

仁慈與慮是全策輕侮明心失遠圖

德經注云以慈為主又注云禍莫大於輕

侮敵人

空仗龍貅凌越國豈知麋鹿走姑蘇

吳王自恃兵強憑凌越國不思勢窮國破

姑蘇臺側麋鹿空遊

莫教喪寶違深理

德經云侮敵幾喪吾寶

應物行機靜四隅

德經注云彼曲主兵而攻之直不先執兵

以應之雖則執持其兵本無害物之意

吾言甚易知章第七十

上聖玄言理甚明

德經云吾言甚易知甚易行

不能知又不能行

德經云天下莫能知莫能行者

目盲傾國綺羅色耳聾迷人鄭衛聲躁欲

銷形易濁寵榮如縛志難清

德經注云惑於躁欲故莫能知也迷於榮

利故莫能行也

被禍懷玉沉潜者內鑒真常徇世情

德經注云被禍者昧其外懷玉者明其內

故知我者希也

知不知上章第七十一

知似不知分上德

德經注云道者內知於道外若不知乃德

之上也

不知知者病虛言

德經注云不知道而妄言知乃是妄言之病也

衆人雖昧真常境諸聖恒開利濟門守得恬

和全浩氣憫方貪欲指迷根隨機救拔群生意還比高天廣覆恩

德經注云聖人無此強知之病者以其常

憫衆生皆有此病是以自不能病也

人不畏威章第七十二

人不畏威成憲綱

德經云人不畏威即大威至

使心虛白即神居

德經注云神所居者心也除情去欲使虛

而生白

是非自見身無咎

德經注云聖人自知已之是非於內不見

其德美於外也

精氣常全道有餘

德經注云自愛身中精神和氣

安寢既翻莊叟蝶忘情還樂惠施魚

德經注云自知其身防可畏之事自愛其

身無獸神之咎夫如是則莊蝶惠魚遂出塵之樂

能嫌驕貴韜藏者三選雲深關弊廬

德經注云不自驕貴榮名於世素安遇聖

閉戶高卧不干於人

勇於敢章第七十三

勇於敢殺逆神明

德經注云勇於果敢有所作為者豈同自

殺其身何也夫不仁之人不懼神理應報

之禍始能買勇果敢以殺於物既殺必報

故知當同自殺其身明矣

常抑剛強是保身

德經云勇於不敢則活

畏害若能心去惑

德經注云敢與不敢自活其身為利自害

其身為害

不言還有善來親

德經云不言而善應

世情尚惜持謙士天網寧矜用壯人

德經注云天之網羅雖恢恢疎遠刑涇福

善毫分不失
看取烏江臨岸處拔山威力謝埃塵
項籍有拔山之勢盡刎頸於烏江

人常不畏章第七十四

恩深祝網獨殺湯好殺終難定紀綱

德經云人常不畏死奈何以死懼注云縱

於情欲動之死地習以為常嘗無畏者人

君當以清靜化之奈何更立刑法以誅殺

常恐懼也

文帝惡刑循五聽

漢文帝之時以黃老治國幾至刑措可謂

循於五聽

高皇帝寬法約三章

漢高祖先入關與父老約法三章耳殺人

者死傷人及盜抵罪餘悉除去秦法諸吏

民皆安堵

順天治物人從化

德經注云若人君導以寡欲靜以無為則

人懷其生成皆畏死

代匠掄材手自傷

德經注云人君代天理物若行刑罪不中亦猶拙夫代匠斲木豈唯方圓不得其法希有不傷其手矣可不慎之

鑄鼎成功分道德攀龍髯去白雲鄉

軒皇治世弘濟活之心非惟四方清靜從化抑以鼎成功就天垂龍髯乘彼白雲至于帝鄉

民之饑章第七十五

人君奢侈即民饑

德經注云天下之人所以饑之不足以其君上食用賦之太多

難治還緣政有為

德經云人之難治以其上之有為是以難治也

居位厚生求富盛窮途輕死轉疲羸

德經注云居位者不能抑損有為因之損下益上百姓窮竭無以供輸既不重生使成輕死

逼身爵祿無心後

德經注云夫獨無以生為務者爵祿不在意財利不入心任運虛懷

滿院蓬蒿養性時

德經注云雖貧賤不可以利害生張仲蔚

所居蓬蒿滿院

直到垂衣分至化自然難拔太平基

若人君垂衣闡化蒸民自足必固太平之基矣

人之生章第七十六

草木敷榮展厚陰

德經云萬物草木生也柔脆和氣存因知枯槁雪霜侵

德經云其死也枯槁和氣去

直如合抱藏幽澗却被纖枝出衆林

德經注云根本強盛故處於下枝條柔弱

故生於上蓋取其柔弱在上強梁在下

柔弱全生堪用意強梁失性可驚心

德經注云生之柔弱和氣全死之堅強和氣散欲明守柔弱者全生保年為強梁者

亡身夫性也

符堅輕敵亡師旅泚水不流寬氣添符堅恃富盛之勢恣強梁之性敗於泚水

泚水為之不流終喪其身

天之道章第七十七

須知天道論張弓

德經云天之道其猶張弓乎

舉下抑高分至公

德經云高者抑之下者舉之也

自損有餘嫌屋潤常嗟不足見達窮

德經云損有餘而補不足

雖恢皇業猶藏德

德經注云聖人不欲天下知己之賢是匿其功德之名畏天之道以損有餘

廣福蒼生匪恃功

德經云功成而不處

涿鹿罷兵真氣在便迴鑿貉訪崆峒

黃帝罷戰涿鹿訪道崆峒見廣成子也

天下柔弱章第七十八

方圓似水分柔弱

德經云柔弱莫過於水也

能勝剛強理甚明

德經云柔勝剛

受垢推恩同泐澥責躬成化服案濼

德經注云人君若能象水之德納污受垢

無所忌諱置誹謗之木敢諫之鼓是謂社稷明主得道賢君也

縱知深旨誰宗信各蔽常情孰肯行

德經注云柔弱之道勝於剛強天下之人

莫不知者知有此道而不能行

干木德風難繼踵杜門高卧息秦兵

段干木居魏高卧秦不敢加兵於魏也

和大怨章第七十九

天道無親福善人

德經云天道無親常與善人也

若持左契即全真

德經云是以聖人執左契而不責於人

既無公正徒施惠不慮仇讎欲官身

德經注云居位者不能持執契信致令過

有所生且奢侈在已常儉於人邪枉在內

求正於外志禍生我要福於天過不責躬

施刑於物是與人子居而殺其父與人兄

居而戮其弟方欲辱與王帛廣酬爵位擬

求解釋其可得乎

忍見陳君忘大寶信知江總匪忠臣後庭基

跡分明在玉樹翻生野草春

陳後主不能執信臨人唯恣奢侈植後庭

玉樹為天下勝遊江總乃最奉恩榮不能

匡救復於三閣以預押客飛殿走筆搜物

象於八紘鐵允金既恃堅牢於一水殊不

知隋君演德陳主迷心俄至敗亡為千古

悲歎豈非江總負於平昔恩寵悲夫

小國家民章第八十

舟車雖有未嘗乘

德經云雖有舟車無所乘之

顏子簞食道德弘

德經注云道在身雖顏子簞食適足為甘

也

喜見生民歸壽域

德經注云寰宇廓清之朝致蒼生於仁壽

之域也

笑將兵甲護金陵

德經云雖有甲兵無所陳之江南六朝皆

都金陵但將兵甲以固江嶺且非蕩蕩魏

魏之德

無心固是安殊俗

德經注云道在身雖子欲居九夷亦足為

樂也

返朴終選用結繩

德經注云國政還淳人皆返朴結繩而用

之固合無為

知有未嘉懷愍禍不詢良策向何曾

西晉武帝初以勤儉之德平定寰區滅蜀

之後唯餘吳國允羊祜張華杜預之策毒

滅於吳六合既清萬邦傾向固可弘清靜

之化復淳朴之風而乃惑孫皓之美人愛

惠帝之弱質迷於目前不思遠大何曾謂

其子曰吾荷國重恩常思獻替每見帝不

詢經久遠圖但說平生常語指其孫曰汝

後必罹其禍及未嘉之際劉聰劉曜為逆

併陪懷愍二帝悲夫

信言不美章第八十一

莫愛美言終不信信言不美益人多

德經云信言不美美言不信

善心匿耀真修習辨口矜能詐唯阿

德經云善者不辯辯者不善唯阿者詭狗

之辭

朴質忘機齊抱瓮縱橫遠性薄懸河

抱瓮無機勝懸河有辯

聖人利濟民歸德

德經云聖人之道為而不爭

玉燭須調物象和

德經篇章玄頌卷下

二篇同卷

道德真經頌

明真破妄章頌

淵五

道德真經頌

茅山 蔣融 廣 誤

經總序頌

紫霧光中信息通聊將黃葉詭兒童若拘語
向明宗旨辜負當年白髮翁

一章

綿綿密密絕胚胎動着塵埃撥不開今日為
君通一線一齊吹向此門來

二章

本无差別與有訛无奈他家事轉多用力到
時須勇猛端然无不犯清波

三章

見得分明用得高不救家富小兒嬌寒來暑
往无多事四海清平賀聖朝

四章

惜功名位勞心力說盡人間最苦心放去收
来无限意免教陸地受平沉

五章

一物靈然亘古雄玲瓏八面總疎通看時恰
似无蹤跡及至拈來用不窮

六章

天地由來本自然何曾有意看中邊若人薦
得絲毫力獨坐孤峯壓大千

七章

我本无心豈有爭迢迢劫外德縱橫自從一
句相名貌直至如今說不清

八章

先天有物鎮長存八萬塵勞出此門識取根
源端不動巍巍何處不稱尊

九章

有心何似本无心自己家風處處真莫把醜
翻成毒藥到頭方見出頭人

十章

一切有為俱是苦尋枝摘葉幾時休直饒生
斷千差路已落他家第二等